

DOA PENUTUP:

Ya Allah, Tritunggal penuh cintakasih,
daripada persekutuan besar
kehidupan Ilahi-Mu,
curahkanlah ke atas kami cintakasih
persaudaraan yang berlimpah.
Perkenankanlah kami cintakasih
yang mencerminkan tindakan Yesus,
dalam keluarga-Nya di Nazaret,
dan di dalam komuniti Kristian awal.

Semoga kami umat Kristian
menghidupi Injil,
menemukan Kristus
dalam setiap manusia,
mengenali Dia yang disalibkan
di dalam penderitaan mereka yang
disingkirkan
dan dilupakan oleh dunia,
dan bangkitkanlah di
dalam setiap saudara
yang ingin memulakan hidup baru.

Datanglah, Roh Kudus, tunjukkanlah
kami keindahan-Mu,
yang dicerminkan dalam setiap
orang di dunia ini,
agar kami dapat menemukan kembali
segala yang penting dan perlu,
muka-muka umat manusia yang satu
yang dikasihi oleh Allah.

Amin.

LAGU PENUTUP:

Doa Santo Fransiskus

Tuhan jadikanlah daku
Alat di dalam karya damaiMu
Di mana terdapat kebencian
Biar cinta ku taburkan

Di mana terdapat penghinaan
Biar ampun ku tunjukkan
Di mana terdapat keraguan
Biar iman ku sampaikan

Tuhan supaya daku mencari
Lebih menghibur daripada dihibur
Lebih mencinta dari dicinta
Lebih mengerti dari dimengerti

Di mana terdapat kegelapan
Biar cahaya ku pancarkan
Di kala dapat keputusan
Biar harap ku taburkan

KED Renungan

HARAPAN PERCAYA, HIDUP dan MEMBERI



MERAPATKAN SEMPADAN BUDAYA

ACARA: **Gawai / Kaamatan**

TREN MEDIA SOSIAL: **#respectculture**

PENGENALAN:

Untuk menjaga dunia di mana kita hidup juga bermaksud menjaga diri kita sendiri. Namun, kita perlu memikirkan diri kita lebih banyak sebagai keluarga tunggal yang tinggal di rumah bersama. Namun, nampaknya sebahagian daripada keluarga manusia dapat dikorbankan dengan mudah untuk kepentingan orang lain. Akhirnya, "orang tidak lagi dilihat sebagai sangat penting yang seharusnya dijaga dan dihormati, terutama mereka yang miskin dan kurang upaya, tidak berdaya guna atau tersingkir - seperti orang tua."



DOA PEMBUKAAN:

Jemput seorang ahli KED untuk mengatakan doa pembukaan.

LAGU PEMBUKAAN:

Kita Satu Dalam Roh

Kita satu dalam Roh,
satu dalam Tuhan
Kita satu dalam Roh,
satu dalam Tuhan
dan bersyukur semua akan
dijadikan satu

Korus:

**Saling kasih mengasihi
sesama kita
Orang lain kenal kita
anak-Nya**

Kita jalan bersama,
jalan serta Tuhan
Kita jalan bersama,
jalan serta Tuhan
C`ritakanlah tentang
kedatangan Almasih (K)

Kita kerja bersama kerja
bagi Tuhan
Kita kerja bersama kerja
bagi Tuhan
Menolong jiwa yang masih
dalam gelap (K)

DIALOG:

“FRATELLI TUTTI”. Dengan kata-kata tersebut, Santo Fransiskus dari Assisi menyapa saudara-saudarinya dan mengajukan kepada mereka suatu cara hidup yang ditandai dengan aroma Injil. Dengan cara yang sederhana dan langsung ini, Santo Fransiskus mengungkapkan hakikat dari keterbukaan persaudaraan yang memungkinkan kita untuk mengakui, menghargai dan mengasihi setiap peribadi, tanpa tergantung pada kedekatan fizikal, tanpa memperhatikan di mana dia dilahirkan atau berada. Ke manapun dia pergi, dia menaburkan benih-benih perdamaian dan berjalan bersama kaum miskin, yang tersingkir, lemah dan terbuang, yang terkecil dari antara saudara-saudarinya.

Ada kisah dari kehidupan Santo Fransiskus yang memperlihatkan keterbukaan hatinya, yang tidak mengenal batas dan yang melampaui perbezaan asal-usul, bangsa, warna kulit atau agama. Kunjungannya kepada Sultan Malik-el-Kamil, di Mesir, merupakan suatu kunjungan yang tidak mudah, memandangkan kemiskinan Fransiskus, kekurangan sumber dayanya, jarak jauh yang harus ditempuh dan perbezaan bahasa, budaya dan agama. Perjalanan tersebut, yang dilakukan di masa perang salib, menunjukkan betapa luas dan besar cinta kasihnya, yang merangkul semua orang. Tanpa peduli akan kesulitan dan bahaya yang menyertai, Fransiskus pergi berjumpa Sultan dengan sikap yang sama dengan sikap yang dia tanamkan kepada para muridnya: jika mereka berada “di kalangan kaum Saracen (Muslim) dan orang lain yang tidak beriman”, tanpa menyangkal identiti dirinya, mereka dilarang untuk “terlibat dalam pertengkaran atau pertikaian, perdebatan, sebaliknya tunduk pada setiap makhluk manusia demi Allah”. Dalam konteks zaman, ini adalah cadangan yang luar biasa.

Kita kagum sekitar lapan ratus tahun lalu, Santo Fransiskus telah menggesa agar segala bentuk permusuhan dan konflik dihindari serta suatu bentuk “tunduk” secara rendah hati dan penuh persaudaraan diperlihatkan kepada mereka yang bukan seiman. Fransiskus tidak melancarkan perang kata-kata yang bertujuan memaksakan ajaran Gereja ke atas orang lain; sebaliknya dia semata-mata menyebarkan kasih Allah. Dia memahami bahawa “Allah adalah kasih, dan barangsiapa yang tinggal dalam kasih, dia tetap tinggal di dalam Allah” (1 Yoh 4:16). Dengan cara ini, dia menjadi bapa bagi semua dan mengilhami visi tentang masyarakat persaudaraan.

(Dipetik dari Surat Ensiklik Fratelli Tutti oleh Bapa Suci Fransiskus tentang Persaudaraan dan Persahabatan Sosial)

Kongsikan pendapat dengan para anggota KED anda.

- Apakah yang boleh anda pelajari daripada sikap Santo Fransiskus?
- Adakah anda mampu memperlakukan terhadap orang lain sama rata tanpa memilih kasih dari segi bangsa, agama dan bahasa? Dalam renungan peribadi anda, adakah anda mempraktikkan sikap perkauman dalam kehidupan seharian anda?

PENDALAMAN:

Efesus 4: 2-6

Hendaklah kamu selalu rendah hati, lemah lembut, dan sabar. Tunjukkanlah kasihmu dalam hal saling membantu. Dan berusahalah memelihara kesatuan Roh oleh ikatan damai sejahtera: satu tubuh, dan satu Roh, sebagaimana kamu telah dipanggil kepada satu pengharapan yang terkandung dalam panggilanmu, satu Tuhan, satu iman, satu baptisan, satu Allah dan Bapa dari semua, Allah yang di atas semua dan oleh semua dan di dalam semua.

RENUNGAN:

- Baca teks dengan suara yang kedengaran dan DENGAR dengan penuh keterbukaan.
- Baca dengan hening sendirian sehingga kamu menjumpai perkataan atau ayat yang menyentuh hatimu.
- Apakah yang dibisikkan oleh Roh Kudus melalui perkataan atau ayat tersebut?
- Apakah bicara kamu kepada Tuhan sebagai balasan kepada Firman-Nya?
- Kongsikan di dalam kumpulan kecil (3-4 orang).

TINDAKAN:

Sebagai ahli-ahli KED, bagaimanakah kita boleh mempromosikan perdamaian dan cintakasih dengan satu sama lain tanpa melihat latarbelakang, suku kaum dan agama, terutamanya dalam situasi sekarang (pandemik Covid-19), ketika kita sedar pergerakan kita untuk menjangkau orang lain sangat terhad? Terdapat beberapa kaedah praktikal yang kita dapat lakukan:

1. Merenung akan kebaikan –Renungkan dengan rasa syukur atas pengorbanan pekerja barisan hadapan dan semua orang yang sedang menjalankan kuarantin diri; bekerja lebih masa untuk membuat penyelidikan, membuat ujian ke atas vaksin, dan memberikan maklumat penting, tepat dan kena pada masanya. Perhatikan banyak cara untuk mengarahkan perhatian anda kepada cara orang menjaga sesama manusia di seluruh dunia.
2. Sentiasa Berhubung – Bagaimana rasanya untuk merenungkan dengan rasa syukur terhadap hubungan dalam kehidupan kita dan membolehkan orang tahu bahawa kita mengambil berat terhadap mereka? Sentiasa berhubung dan berhubung dalam apa cara yang anda mampu lakukan..
3. Bersikap Pemurah -Hulurkan belas kasihan kepada mereka yang paling terjejas dari akibat krisis ini. Cuba untuk lebih banyak bersabar, lebih baik hati, ramah, serta menarik nafas yang dalam sebelum memberi respon, berikan senyuman dan rasa syukur dengan kemurahan hati. Sokong perniagaan tempatan yang bergelut, kerana kebanyakan dari kita tinggal di rumah.